

scorsò pericolo di esser prexò; e dicese esser per questo tanto inchagnato che l'ha zurado de mai partirsi de quelli paexi se 'l non destruze el ditto ducha di Gelder; che Diò cussi prometi! Se dize Franza fa preparation d'armada asai, ma per certo non usirano, che sti mari xe pieni de englexi e spagnoli, che serà el dopio de loro.

Sapiate che in mar de Lion ce (sono) do corsari provenzali, uno con barche 3 e una galia, l'altro con barza una e uno galion e do galie e da prexo 3 o 4 barze, che veniva a ponente; sichè qui non si trova asegurar su le barze de Candia a 10 per 100. *Etiam* in mar di Spagna zè uno francese con barche do, ch' à preso una navè portogexe con bale 60 piper, che andava in Fiandra; sichè tuto el mondo se (è) ingarbuia. A Chades xe retengnude nave 40 per el re di Spagna, e retien tutte quelle che zonzeno; sichè tutte quelle che xè di marchadantia le discarcha e *maxime* le malvasie di Candia; che vi so dir che se ne farano buon merchado.

307* Qui non se parla che di arme: che Dio fazi expedir presto quello che se à far, aziò vediamo el castigo de sti schomunichati.

Le zente per Chales zà sono in ponto non se intende, perchè non passano. Alcuni sospeta che 'l sia stà fama per Cales, et poi vogliano dar in altro locho; staremo a veder.

La maiestà de sto Re mandò a l'Imperador lire 10 milia de sterlini, e li à rezevudi e fa zente per Gelder. Altro non zè. Sto fante è spazado da la maiestà del Re per Roma in gran pressa, e con faticha à tolto nostro letere.

La nave raguxea, che vano di Fiandra in Antona, ed avea comenzato a cargar, la maiestà dil Re l' à fata discargar et armarla insieme con le altre anderà in armada, e non spero d'aver barza per costi, perchè Dio sa quando ste armade tornerà, e la muda xè per tutto octubrio, che se pol dir siamo li. Credo cui vorà aver robe de qui bisognerà far slongar la muda fin tutto dezembre, che a quel tempo non vi sarà ni armada fora, ni corsari, chè i tempi troppo pexa.

308 Vene letere di campo, al tardi, date a San Zen, apresso Brexa, a di 19, hore 3 di note. Come non bisogna il Colegio pigli admiratione di le contrarietà di le letere in diversi tempi, perchè loro si trovano su el fato, e convengono preveder et consultar secondo le occorentie. *Unum est* che il tutto si fa con fede, amore et affection di la patria; si do-

leno la patria non sia satisfata. Hozi hanno consultato dove si habi a piantar le artellarie, e hanno concluso che 'l si fazi tre batarie, l' una pocho lontano di l' altra per non divider e debilitar lo exercito; due suxo el monte che baterà verso el castelo, per modo che algun de la terra non potrà apparere, e baterasse con 10 canoni, 6 a la rocha et 4 al turion, per modo che 'l si farà gran fruto. La terza pocho lontano verso le mure de la terra, dove serano messo tutto il resto de le artellarie grosse, et fra zorno e notte si trazerà colpi 700 dove si haverà polvere et ballote per tre zorni; ma bisogna subito et *immediate* ne sia mandati quelli barili e polvere grossa e fina et 100 di più di quanto eri sera rechiedeno. Di la grossa seria molto a proposito, perchè zà li hanno comenzato a protestar che non li lassino manchar la polvere et ballote, perchè seria grandissimo manchamento; per tanto subito se li mandi polvere, e doman haveriano la scorta. Scrive aver fato li coloneli di le zente d' arme e fantarie per el bisogno del facto d' arme e bataglia si darà a la terra con li ordeni e provisione bisogna, et par questi 3 habino cura a l'artellarie ogniun di la soa parte, domino Vitello Vitelli, domino Baldissera di Scipion e il conte Guido Rangon. Scrive questa matina, una hora avanti zorno, el provedador Capello si levò, et a l'alba ussite di caxa, e cussi continuamente dal pranzar in fuora è stato in far monstre e far pagar fantarie. Li è sier Filippo Baxadona pagador, per modo che hanno consumato tuti li ducati 5500 mandati ultimate; però bisogna li danari subito, perchè ogni difficoltà li par esser in questo, e quando sarà provisto di danari a satisfaction di quel exercito, promete certa victoria. E la impresa di Brexa è di sorte che ogni uno non la intende. Conclude, doman da sera, per li ordeni soprascritti, *Domino concedente*, strenzerano la terra e pianterano le artellarie, e comenzerassi a far de' facti, e spiera, per il cuor li dà, si sarà presto victoriosi pur che 'l non manchi *ut supra*. *Item*, questa sera è ritornato uno suo servitor di la guardia, el qual se parti da Novi e andò a Zenoa, dove è stato continuamente fina al prender del Castelletto, et afirma la morte dil fidelissimo Sebastian de Manzino, era contestabele nostro, andò li 308* con domino Ianus, et il prender di dicto Casteleto a patti, salvo lo aver e le persone. E che *etiam* la Lanterna era presa, ma soprazonse 6 galie, uno galion et una barza di Franza e messe vituarie, munition, artellarie e zente in dicta fortezza, la qual al presente tira molto a la terra, ma fa pocho danno; ben è vero che 'l castello li fa gran danno a essi